

REGLUGERÐ FRAMKVÆMDASTJÓRNARINNAR (ESB) nr. 757/2010

2013/EES/16/59

frá 24. ágúst 2010

um breytingu á reglugerð Evrópuþingsins og ráðsins (EB) nr. 850/2004 um þrávirk, lífræn mengunarefni að því er varðar I. og III. viðauka (*)

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 850/2004 frá 29. apríl 2004 um þrávirk, lífræn mengunarefni og um breytingu á tilskipun 79/117/EBE⁽¹⁾, einkum 1. mgr. 14. gr.,

og að teknu tilliti til eftirfarandi:

- 1) Með reglugerð (EB) nr. 850/2004 er í löggjöf Sambandsins staðið við skuldbindingarnar sem settar eru fram í Stokkhólmssamningnum um þrávirk lífræn efni (hér á eftir nefndur „Stokkhólmssamningurinn“), sem var samþykktur með ákvörðun ráðsins 2006/507/EB frá 14. október 2004 um gerð Stokkhólmssamningsins um þrávirk lífræn efni, fyrir hönd Evrópubandalagsins⁽²⁾ og í bókuninni við samninginn um loftmengun sem berst langar leiðir milli landa frá 1979 um þrávirk lífræn mengunarefni (hér á eftir nefnd „bókunin“) sem var samþykkt með ákvörðun ráðsins 2004/259/EB frá 19. febrúar 2004 um gerð bókunarinnar um þrávirk lífræn mengunarefni, fyrir hönd Evrópubandalagsins, við samninginn frá 1979 um loftmengun sem berst langar leiðir milli landa⁽³⁾.
- 2) Í kjölfar tillagna um efni frá Evrópusambandinu og aðildarríkjum þess, auk Noregs og Mexíkó, lauk nefnd um endurskoðun þrávirkra, lífrænna mengunarefna, sem var komið á fót með Stokkhólmssamningnum, vinnu sinni vegna þeirra níu efna sem lögð voru til og reyndust uppfylla viðmiðanir Stokkhólmssamningsins. Á fjórðu ráðstefnu samningsaðilanna 4. til 8. maí 2009 var samþykkt að bæta öllum níu efnunum í viðaukana við samninginn.
- 3) Í ljósi þeirra ákvarðana sem voru teknar á fjórðu ráðstefnunni er nauðsynlegt að uppfæra I. og III. viðauka við reglugerð (EB) nr. 850/2004. Breyta skal I. viðauka við reglugerð (EB) nr. 850/2004 til að taka tillit til þess að efni geta verið skráð eingöngu í samningnum.

- 4) Á fjórðu ráðstefnunni var ákveðið að skrá átta efnanna í viðauka A (eyðing) við samninginn. Níunda efnið, perflúoroktansúlfónsýra og afleiður hennar, er enn víða notað á heimsvísu og á fjórðu ráðstefnunni var ákveðið að skrá það í viðauka B (takmörkun) með tilteknum undanþágum. Reglugerð (EB) nr. 850/2004 er svipuð að gerð með I. viðauka (bönnuð efni) og II. viðauka (takmarkanir). Samkvæmt Stokkhólmssamningnum er skylt að banna eða takmarka framleiðslu, notkun, inn- og úttutning á efnunum sem skráð eru í viðauka A og B við hann. Með því að skrá efnið, sem fellur undir ákvarðanir fjórðu ráðstefnunnar, í reglugerð (EB) nr. 850/2004 er gildissvið takmörkunarinnar fært til samræmis við ákvörðun ráðstefnunnar þar sem reglugerð (EB) nr. 850/2004 felur í sér skilyrði varðandi framleiðslu, notkun og meðhöndlun úrgangs auk takmarkana varðandi setningu á markað.
- 5) Setning á markað og notkun perflúoroktansúlfónsýru og afleiða hennar hefur verið takmörkuð í Sambandinu skv. XVII. viðauka við reglugerð Evrópuþingsins og ráðsins (EB) nr. 1907/2006 um skráningu, mat, leyfisveitingu og takmarkanir að því er varðar efni (efnareglurnar (REACH))⁽⁴⁾. Núverandi takmörkun á perflúoroktansúlfónsýru og afleiðum hennar í Sambandinu felur aðeins í sér fáeinar undanþágur miðað við þær sem er að finna í ákvörðun fjórðu ráðstefnunnar. Perflúoroktansúlfónsýra og afleiður hennar voru einnig skráðar í I. viðauka við endurskoðuðu bókunina sem var samþykkt 18. desember 2009. Því skal skrá perflúoroktansúlfónsýru og afleiður hennar ásamt hinum átta efnunum í I. viðauka við reglugerð (EB) nr. 850/2004. Undanþágur sem voru í gildi varðandi perflúoroktansúlfónsýru og afleiður hennar þegar hún var skráð í XVII. viðauka flytjast yfir og eru skráðar í I. viðauka við reglugerð (EB) nr. 850/2004 með afar fáum breytingum. Undanþágurnar skulu háðar því skilyrði að besta, fánlega tækni sé nýtt þar sem þess er kostur. Frestur gildir um tilteknu undanþáguna fyrir notkun perflúoroktansúlfónsýru og afleiða hennar sem raka-gjafa til notkunar í stýrðum rafhúðunarkerfum, í samræmi við ákvörðun fjórðu ráðstefnunnar. Ef tæknilegur rökstuðningur liggur fyrir því má framlengja frestinn, háð samþykki ráðstefnu samningsaðilanna. Aðildarríkin skulu fjórða hvert ár gefa skýrslu um beitingu heimil- uðu undanþáganna. Evrópusambandið er aðili að samningnum og skal því gefa skýrslu á grundvelli skýrslna aðildarríkjanna. Framkvæmdastjórnin skal áfram endurskoða þær undanþágur sem eftir sitja sem og fylgjast með því hvort kostur sé á öruggari efnum eða tækni.
- 6) Ákvæði b-liðar 1. mgr. 4. gr. reglugerðar (EB) nr. 850/2004 að því er varðar efni sem koma fyrir sem óviljandi snefilaðskotaefni skulu skilgreind fyrir perflúoroktansúlfónsýru til að tryggja samræmda framkvæmd og eftirlit með þeirri reglugerð og um leið tryggja samræmi við samninginn. Samkvæmt XVII. viðauka við reglugerð (EB) nr. 1907/2006 var heimilt

(*) Þessi EB-gerð birtist í Stjtið. ESB L 223, 25.8.2010, bls. 29. Hennar var getið í ákvörðun sameiginlegu EES-nefndarinnar nr. 212/2012 frá 7. desember 2012 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá *EES-viðbæti við Stjórnartíðindi Evrópusambandsins*, biður birtingar.

⁽¹⁾ Stjtið. ESB L 158, 30.4.2004, bls. 7.

⁽²⁾ Stjtið. ESB L 209, 31.7.2006, bls. 1.

⁽³⁾ Stjtið. ESB L 81, 19.3.2004, bls. 35.

⁽⁴⁾ Stjtið. ESB L 396, 30.12.2006, bls. 1.

að nota perflúoroktansúlfónsýru og afleiður hennar í magni undir tilteknum viðmiðunarmörkum. Þar til frekari upplýsingar liggja fyrir skulu viðmiðunarmörkin í XVII. viðauka við reglugerð (EB) nr. 1907/2006 að því er varðar perflúoroktansúlfónsýru í hlutum samsvara magni perflúoroktansúlfónsýru og afleiða hennar sem ekki er marktækt að nota minna af meðan mögulegt er að tryggja eftirlit og framkvæmd með núverandi aðferðum. Með þessum viðmiðunarmörkum skal því takmarka notkun perflúoroktansúlfónsýru og afleiða hennar við magn sem samsvarar óviljandi snefilaðskotaefnum. Að því er varðar perflúoroktansúlfónsýru og afleiður hennar sem efni eða í efnablöndum skal með þessari reglugerð koma á viðmiðunarmörkum sem samsvara svipuðu magni. Til að koma í veg fyrir notkun af ásetningi skal þetta magn vera minna en í reglugerð (EB) nr. 1907/2006.

7) Setning pentabrómdifenylerers og oktabrómdifenylerers á markað og notkun þeirra hefur verið takmörkuð í Sambandinu með XVII. viðauka við reglugerð (EB) nr. 1907/2006 þar sem hámarksstyrkleikamörk eru takmörkuð við 0,1% miðað við þyngd, en undir því telst efnið ekki takmarkað. Á fjórðu ráðstefnunni var ákveðið að skrá efnamyndir sem eru til staðar í pentabrómdifenylerum og oktabrómdifenylerum sem eru á söluhafu formi og með einkenni þrávirkra, lífrænna mengunarefna. Til að gæta samræmis skal skráning í reglugerð (EB) nr. 850/2006 fylgja nálgun XVII. viðauka við reglugerð (EB) nr. 1907/2006 að því er varðar þær afleiður sem bera einkenni þrávirkra, lífrænna mengunarefna samkvæmt fjórðu ráðstefnunni og því skulu hexabrómdifenyler-, heptabrómdifenyler-, tetrabrómdifenyler- og pentabrómdifenylerafleiður skráðar í I. viðauka við reglugerð (EB) nr. 850/2004.

8) Ákvæði b-liðar 1. mgr. 4. gr. reglugerðar (EB) nr. 850/2004 að því er varðar efni sem koma fyrir sem óviljandi snefilaðskotaefni skulu skilgreind fyrir fjölbrómaða difenylerera (PBDE) til að tryggja samræmda framkvæmd og eftirlit með þeirri reglugerð og um leið tryggja samræmi við samninginn. Með þessari reglugerð skal setja viðmiðunarmörk varðandi óviljandi snefilaðskotaefni af fjölbrómuðum difenylerum í efnunum, efnablöndum og hlutum. Þar til frekari upplýsingar liggja fyrir og framkvæmdastjórnin hefur framkvæmt endurskoðun í samræmi við markmið þessarar reglugerðar skulu viðmiðunarmörkin í XVII. viðauka við reglugerð (EB) nr. 1907/2006 fyrir fjölbrómaða difenylerera í hlutum framleiddum úr endurunnum efnunum takmarka notkun fjölbrómaðra difenylerera við óviljandi snefilaðskotaefni þannig að þau samsvari magni sem ekki er marktækt að nota minna af meðan mögulegt er að tryggja eftirlit og framkvæmd með núverandi aðferðum. Að því er varðar fjölbrómaða difenylerera sem efni, í efnablöndum eða hlutum skal með þessari reglugerð koma á viðmiðunarmörkum sem samsvara svipuðu magni.

9) Nauðsynlegt er að skýra að bannið í 3. gr. reglugerðar (EB) nr. 850/2004 gildir ekki um hluti sem innihalda

fjölbrómaða difenylerera og perflúoroktansúlfónsýru og afleiður hennar og eru þegar í notkun á þeim degi sem þessi reglugerð öðlast gildi.

10) Diklórdifenyltríklóretan (DDT) og hexaklórsýklóhexön, þ.m.t. lindan, skal skrá án undanþága. Í A-hluta I. viðauka við reglugerð (EB) nr. 850/2004 er aðildarríkjum heimilað að halda áfram núverandi framleiðslu og notkun á diklórdifenyltríklóretani til framleiðslu á díkófóli. Eins og sakir standa nýtir ekkert aðildarríki þessa undanþágu. Þar að auki var því hafnað að skrá díkófól í I. viðauka við tilskipun Evrópuþingsins og ráðsins 98/8/EB frá 16. febrúar 1998 um markaðssetningu sæfiefna⁽¹⁾ og tilskipun ráðsins 91/414/EBE frá 15. júlí 1991 um markaðssetningu plöntuvannarefna⁽²⁾. Því skal fella þá undanþágu niður. Hexaklórsýklóhexön, þ.m.t. lindan, eru skráð í B-hluta I. viðauka við reglugerð (EB) nr. 850/2004 með tveimur tilteknum undanþágum fyrir tiltekna notkun. Undanþágurnar féllu úr gildi 1. september 2006 og 31. desember 2007 og því skal fella þær brott.

11) Í samræmi við ákvarðanir fjórðu ráðstefnunnar skal bæta pentaklórbenseni við I. og III. viðauka við reglugerð (EB) nr. 850/2004 þannig að það falli undir almennt bann og einnig ákvæði þeirrar reglugerðar um að draga úr losun. Klórdekón og hexabrómbifenyíl skal flytja í A-hluta I. viðauka þar sem bæði efnin eru nú skráð í báða alþjóðlega gerninga.

12) Í samræmi við 22. gr. samningsins skulu breytingarnar á viðauka A, B og C við hann öðlast gildi einu ári eftir þann dag sem vörsluaðili tilkynnir um breytingu, þ.e. 26. ágúst 2010. Til að gæta samræmis skal þessi reglugerð því gilda frá sama degi. Þessi reglugerð skal því öðlast gildi sem fyrst.

13) Ráðstafanirnar, sem kveðið er á um í þessari reglugerð, eru í samræmi við álit nefndarinnar sem komið var á fót með tilskipun 67/548/EBE.

SAMÞYKKT REGLUGERÐ ÞESSA:

1. gr.

Ákvæðum I. og III. viðauka við reglugerð (EB) nr. 850/2004 er breytt í samræmi við viðaukann við þessa reglugerð.

⁽¹⁾ Stjtið. EB L 123, 24.4.1998, bls. 1.

⁽²⁾ Stjtið. EB L 230, 19.8.1991, bls. 1.

2. gr.

Reglugerð þessi öðlast gildi á þeim degi sem hún birtist í Stjórnartíðindum Evrópusambandsins.

Hún kemur til framkvæmda frá og með 26. ágúst 2010.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 24. ágúst 2010.

Fyrir hönd framkvæmdastjórnarinnar,

José Manuel BARROSO

forseti.

VIÐAUKI

1) Í stað I. viðauka við reglugerð (EB) nr. 850/2004 komi eftirfarandi:

I. VIÐAUKI

A-hluti — Efni sem eru skráð í samningnum og bókuninni, auk efna sem eru eingöngu skráð í samningnum

Efni	CAS-nr.	EB-nr.	Sérstök undanþága varðandi notkun efnis sem milliefnis eða aðrar athugasemdir
Tetrabrómdífenýleter C12H6Br4O			<p>1. Að því er varðar þessa færslu skal b-liður 1. mgr. 4. gr. gilda um styrk tetrabrómdífenýleters sem nemur 10 mg/kg (0,001% miðað við þyngd) eða minna þegar hann kemur fyrir í efnum, efnablöndum og hlutum eða sem efnisþættir logavarinna hluta þeirra.</p> <p>2. Með undanþágu skal heimilt að framleiða, setja á markað og nota eftirfarandi:</p> <p>a) með fyrirvara um b-lið: hluti og efnablöndur sem innihalda tetrabrómdífenýleter í styrk undir 0,1% miðað við þyngd og sem eru framleidd að hluta til eða í heild úr endurunnum efnum eða efnum úr úrgangi sem er undirbúinn fyrir endurnotkun,</p> <p>b) raf- og rafeindabúnað innan gildissviðs tilskipunar Evrópuþingsins og ráðsins 2002/95/EB (*).</p> <p>3. Heimila skal að nota hluti sem innihalda tetrabrómdífenýleter ef hlutirnir sem um er að ræða voru þegar í notkun í Sambandinu fyrir 25. ágúst 2010. Þriðja og fjórða undirgrein 2. mgr. 4. gr. skulu gilda um slíka hluti.</p>
Pentabrómdífenýleter C12H5Br5O			<p>1. Að því er varðar þessa færslu skal b-liður 1. mgr. 4. gr. gilda um styrk pentabrómdífenýleters sem nemur 10 mg/kg (0,001% miðað við þyngd) eða minna þegar hann kemur fyrir í efnum, efnablöndum og hlutum eða sem efnisþættir logavarinna hluta þeirra.</p> <p>2. Með undanþágu skal heimilt að framleiða, setja á markað og nota eftirfarandi:</p> <p>a) með fyrirvara um b-lið: hluti og efnablöndur sem innihalda pentabrómdífenýleter í styrk undir 0,1% miðað við þyngd og sem eru framleidd að hluta til eða í heild úr endurunnum efnum eða efnum úr úrgangi sem er undirbúinn fyrir endurnotkun,</p>

Efni	CAS-nr.	EB-nr.	Sérstök undanþága varðandi notkun efnis sem milliefnis eða aðrar athugasemdir
			<p>b) raf- og rafeindabúnað innan gildissviðs tilskipunar 2002/95/EB.</p> <p>3. Heimila skal að nota hluti sem innihalda pentabrómdífenýleter ef hlutirnir sem um er að ræða voru þegar í notkun í Sambandinu fyrir 25. ágúst 2010. Þriðja og fjórða undirgrein 2. mgr. 4. gr. skulu gilda um slíka hluti.</p>
<p>Hexabrómdífenýleter</p> <p>C12H4Br6O</p>			<p>1. Að því er varðar þessa færslu skal b-liður 1. mgr. 4. gr. gilda um styrk hexabrómdífenýleters sem nemur 10 mg/kg (0,001% miðað við þyngd) eða minna þegar hann kemur fyrir í efnum, efnablöndum og hlutum eða sem efnisþættir logavarinna hluta þeirra.</p> <p>2. Með undanþágu skal heimilt að framleiða, setja á markað og nota eftirfarandi:</p> <p>a) með fyrirvara um b-lið: hluti og efnablöndur sem innihalda hexabrómdífenýleter í styrk undir 0,1% miðað við þyngd og sem eru framleidd að hluta til eða í heild úr endurunnum efnum eða efnum úr úrgangi sem er undirbúinn fyrir endurnotkun,</p> <p>b) raf- og rafeindabúnað innan gildissviðs tilskipunar 2002/95/EB.</p> <p>3. Heimila skal að nota hluti sem innihalda hexabrómdífenýleter ef hlutirnir sem um er að ræða voru þegar í notkun í Sambandinu fyrir 25. ágúst 2010. Þriðja og fjórða undirgrein 2. mgr. 4. gr. skulu gilda um slíka hluti.</p>
<p>Heptabrómdífenýleter</p> <p>C12H3Br7O</p>			<p>1. Að því er varðar þessa færslu skal b-liður 1. mgr. 4. gr. gilda um styrk heptabrómdífenýleters sem nemur 10 mg/kg (0,001% miðað við þyngd) eða minna þegar hann kemur fyrir í efnum, efnablöndum og hlutum eða sem efnisþættir logavarinna hluta þeirra.</p> <p>2. Með undanþágu skal heimilt að framleiða, setja á markað og nota eftirfarandi:</p> <p>a) með fyrirvara um b-lið: hluti og efnablöndur sem innihalda heptabrómdífenýleter í styrk undir 0,1% miðað við þyngd og sem eru framleidd að hluta til eða í heild úr endurunnum efnum eða efnum úr úrgangi sem er undirbúinn fyrir endurnotkun,</p>

Efni	CAS-nr.	EB-nr.	Sérstök undanþága varðandi notkun efnis sem milliefnis eða aðrar athugasemdir
			<p>b) raf- og rafeindabúnað innan gildissviðs tilskipunar 2002/95/EB.</p> <p>3. Heimila skal að nota hluti sem innihalda heptabrómdifenýleter ef hlutirnir sem um er að ræða voru þegar í notkun í Sambandinu fyrir 25. ágúst 2010. Þriðja og fjórða undirgrein 2. mgr. 4. gr. skulu gilda um slíka hluti.</p>
<p>Perflúoroktansúlfónsýra og afleiður hennar</p> <p>C8F17SO2X</p> <p>(X = OH, málmalt (O-M+), halið, amíð og aðrar afleiður, þ.m.t. fjölliður)</p>			<p>1. Að því er varðar þessa færslu skal b-liður 1. mgr. 4. gr. gilda um styrk perflúoroktansúlfónsýru og afleiða hennar sem nemur 10 mg/kg (0,001% miðað við þyngd) eða minna þegar hún kemur fyrir í efnum eða efnablöndum.</p> <p>2. Að því er varðar þessa færslu skal b-liður 1. mgr. 4. gr. gilda um styrk perflúoroktansúlfónsýru og afleiða hennar í hálfunnum vörum eða hlutum eða hlutum þeirra ef styrkur perflúoroktansúlfónsýru og afleiða hennar er undir 0,1% miðað við þyngd, reiknaður út frá massa byggingarfræðilega aðgreinanlegra eða örgreinanlegra hluta þeirra sem innihalda perflúoroktansúlfónsýru og afleiður hennar, eða, í textílefnum eða öðrum húðuðum efnum, ef magn perflúoroktansúlfónsýru og afleiða hennar er minna en 1 µg/m² af húðaða efninu.</p> <p>3. Heimila skal að nota hluti sem innihalda perflúoroktansúlfónsýru og afleiður hennar ef hlutirnir sem um er að ræða voru þegar í notkun í Sambandinu fyrir 25. ágúst 2010. Þriðja og fjórða undirgrein 2. mgr. 4. gr. skulu gilda um slíka hluti.</p> <p>4. Heimilt er að nota slökkvifroður, sem voru settar á markað fyrir 27. desember 2006, fram til 27. júní 2011.</p> <p>5. Ef dregið er sem mest úr því magni sem losnar út í umhverfið er framleiðsla og setning á markað heimil að því er varðar eftirfarandi tilteknu notkun, að því tilskildu að aðildarríkin gefi framkvæmdastjórninni skýrslu fjórða hvert ár um framvinduna við að eyða perflúoroktansúlfónsýru og afleiðum hennar:</p> <p>a) til 26. ágúst 2015: rakagjafar til notkunar í stýrðum rafhúðunarkerfum,</p> <p>b) ljósnámslög eða glampavarnarhúðun fyrir rásaprentun (e. photolithography),</p> <p>c) ljósmyndahúðun á filmum, pappir eða prentplötum,</p>

Efni	CAS-nr.	EB-nr.	Sérstök undanþága varðandi notkun efnis sem milliefnis eða aðrar athugasemdir
			<p>d) móðuvörn fyrir harða króm(VI)húðun, sem ekki er til skrauts, í lokuðum stýrikerfum,</p> <p>e) vökvakerfissvökva fyrir flug.</p> <p>Þegar undanþágurnar í a- til e-lið hér að framan varða framleiðslu eða notkun í stöð, sem fellur undir gildissvið tilskipunar Evrópuþingsins og ráðsins 2008/1/EB (**), skal beita bestu, fánlegu tækni til að fyrirbyggja og lágmarka losun perflúoroktansúlfónsýru og afleiða hennar, eins og er lýst í upplýsingunum sem framkvæmdastjórnin hefur birt samkvæmt annarri undirgrein 2. mgr. 17. gr. tilskipunar 2008/1/EB.</p> <p>Um leið og nýjar upplýsingar liggja fyrir um einstök atriði varðandi notkun og öruggari staðgöngu efni eða -tækni fyrir þá notkun, sem lýst er í b- til e-lið, skal framkvæmdastjórnin endurskoða undanþágurnar í annarri undirgrein þannig að:</p> <p>i. notkun á perflúoroktansúlfónsýru og afleiðum hennar verði hætt smám saman um leið og öruggari valkostir verða tæknilega og fjárhagslega hagkvæmir,</p> <p>ii. undanþága megi einungis gilda áfram vegna óhjákvæmilegrar notkunar ef öruggari valkostir eru ekki til og skýrslur hafa verið lagðar fram um það sem gert hefur verið til að finna öruggari valkosti,</p> <p>iii. dregið hefur verið úr losun á perflúoroktansúlfónsýru og afleiðum hennar út í umhverfið eins og unnt er með notkun á bestu, fánlegu tækni.</p> <p>6. Þegar Staðlasamtök Evrópu hafa samþykkt staðla skulu þeir notaðir sem prófunaraðferðir til að staðfesta að efnin, efnablöndurnar og hlutirnir uppfylli kröfurnar í 1. og 2. mgr.</p>
DDT(1,1,1-tríklór-2,2-bis(4-klórfenýl)etan)	50-29-3	200-024-3	—
Klórdan	57-74-9	200-349-0	—
Hexaklórsýklóhexón, þ.m.t. lindan	58-89-9	200-401-2	—
	319-84-6	206-270-8	
	319-85-7	206-271-3	
	608-73-1	210-168-9	

Efni	CAS-nr.	EB-nr.	Sérstök undanþága varðandi notkun efnis sem milliefnis eða aðrar athugasemdir
Dieldrín	60-57-1	200-484-5	—
Endrín	72-20-8	200-775-7	—
Heptaklór	76-44-8	200-962-3	—
Hexaklórbensen	118-74-1	200-273-9	—
Klórdekón	143-50-0	205-601-3	—
Aldrín	309-00-2	206-215-8	—
Pentaklórbensen	608-93-5	210-172-5	—
Fjölklóruð bifényl (PCB)	1336-36-3 og önnur	215-648-1 og önnur	Með fyrirvara um tilskipun 96/59/EB er heimilt að nota hluti sem eru þegar í notkun þegar þessi reglugerð öðlast gildi.
Mírex	2385-85-5	219-196-6	—
Toxafen	8001-35-2	232-283-3	—
Hexabrómbifényl	36355-01-8	252-994-2	—

(*) Stjtið. ESB L 37, 13.2.2003, bls. 19.

(**) Stjtið. ESB L 24, 29.1.2008, bls. 8.

B-hluti — Efni sem eru einungis skráð í bókunina

Efni	CAS-nr.	EB-nr.	Sérstök undanþága varðandi notkun efnis sem milliefnis eða aðrar athugasemdir
—			

2) Eftirfarandi efni bætist við í III. viðauka:

„Pentaklórbensen (CAS-nr. 608-93-5)“